



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj: 03-4-02-2-1103-1/23
Datum: 30.10.2023

Bosna i Hercegovina
Federacija Bosne i Hercegovine
Parlament Federacije
Zastupnički/Prédstavnički dom
Sekretar- Ivan Miličević

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 01-11-2023			
Org. jed.	Broj	Priloga	Vrijednost
05/1	-02-	318	/23

Predmet: Inicijativa, odgovor dostavlja se

Veza: Vaš dopis broj 05/1-02-318/23 od 28.09.2023.godine

Poštovani,

Vezano za vašu inicijativu, veza i datum gore navedena, *Pravilnika o higijeni hrane životinjskog porijekla* („Službeni glasnik 103/12; 28/14 i 87/15), u daljem tekstu *Pravilnika o higijeni hrane životinjskog porijekla*) na koji se odnosi vaša inicijativa, je bio predmet usklađivanja zakonodavstva Bosne i Hercegovine sa pravnom stečevinom Evropske Unije, te je u procesu pripreme, izrade i konsultacija korišteni propisani instrumenti za usklađivanje zakonodavstva BiH s pravnom tečevinom Evropske Unije, odredbe *Pravilnika o higijeni hrane životinjskog porijekla* su **POTPUNO** preuzet iz pravne stečevine Evropske unije - *Regulativa (EZ) br. 853/2004 EUROPSKOG PARLAMENTA I VIJEĆA od 29. travnja 2004. o utvrđivanju određenih higijenskih pravila za hranu životinjskog porijekla*. Naglašavamo da je navedeni propis imao suglasnost nadležnih tijela entiteta i Brčkog Distrikta.

Za implementaciju odredbi datog *Pravilnika o higijeni hrane životinjskog porijekla* nadležna tijela entiteta ili Brčkog Distrikta moraju uspostaviti podzakonske akte i procedure kao i mehanizme verifikacije i kontrole takvih aktivnosti. Uspostavljeni mehanizmi verifikacije od strane nadležnih tijela moraju pružati garancije da obuke lica koja će vršiti **početne preglede** na licu mjesta omogućavaju odgovarajuću osposobljenost i da su istim obuhvaćeni svi propisani elementi obuke. Prije stavljanja u promet, tako odstreljene životinje moraju, u skladu sa *Pravilnikom o higijeni hrane životinjskog porijekla*, biti prevezene u objekte za obradu i moraju biti predate nadležnom organu entiteta ili Brčko Distrikta na pregled. **Završni pregledi**, odstreljenih životinja, koje obavljaju službeni veterinari, se vrši prije stavljanja u promet u skladu s *Pravilnikom o organizaciji službenih kontrola proizvoda životinjskog porijekla namijenjenih ishrani ljudi* („Službeni glasnik BiH“ broj 103/12). Prema evidencijama i informacijama sa kojim raspolažemo, na području Bosne i Hercegovine, nema službeno obučeni lica za provođenje aktivnosti iz Odjeljka IV, *Pravilnika o higijeni hrane životinjskog porijekla*.

Naglašavamo da obučena osoba prema *Pravilniku o higijeni hrane životinjskog porijekla ne mogu vršiti službene kontrole ni ti poslove* koji su prema Zakonu o veterinarstvu u Bosni i Hercegovini („Službeni glasnik BiH“ broj 34/02) u nadležnosti veterinarskih inspekcija, odredbe *Pravilnika o higijeni hrane životinjskog porijekla* su posebna pravila o higijeni hrane životinjskog porijekla kojih se moraju pridržavati **subjekti u poslovanju s hranom**, dok su *Pravilnikom o organizaciji službenih kontrola proizvoda životinjskog porijekla namijenjenih ishrani ljudi* („Službeni glasnik BiH“ broj 103/12) propisana posebna pravila organizacije službenih kontrola djelatnosti i lica na koje se odnosi *Pravilnik o higijeni proizvoda životinjskog porijekla*.

Cilj odredbi na koje se odnosi vaša inicijativa je blagovremeno otkrivanje promjene koje bi mogle ukazivati da meso predstavlja opasnost za zdravlje potrošača. Pregled se mora obaviti što je prije moguće nakon odstrjela. Ako se tokom pregleda otkriju neprirodne promjene i neuobičajeno ponašanje prije odstrjela ili sumnja na kontaminaciju okoliša, obučeno lice mora obavijestiti nadležna tijela entiteta ili Brčko Distrikta. Meso od takvih životinja se ne može staviti u promet na osnovu prvog pregleda obučenog lica već mora biti prevezeno u objekt za obradu i mora se predati nadležnom organu entiteta ili Brčko Distrikta na pregled. U slučaju ulovljene slobodno živuće divljači, službeni veterinar u klaonici ili objektu za obradu divljači mora pregledati *izjavu* koja prati tijelo životinje, a koju je izdao veterinar ili obučeno lice u skladu s odredbama *Pravilnika o higijeni hrane životinjskog porijekla* u sklopu završnog pregleda.

Obučavanja lovaca, lovočuvaru ili upravniku lovišta da obavljaju prve preglede ne sprječava nadležna tijela da vrše službene kontrole prema *Pravilniku o organizaciji službenih kontrola proizvoda životinjskog porijekla namijenjenih ishrani ljudi* („Službeni glasnik BiH“ broj 103/12). Kako je navedena praksa implementirana u članicama Evropske unije, ista se smatra jednom od glavnih mjera koja je doprinijela prevenciji širenja i ranom otkrivanju Afričke svinjske kuge kod divljih svinja i ovakvim „pasivnim nadzorom“ su obučena lica u Evropskoj Uniji aktivno pomogla nadležnim tijelima u sprječavanju širenja zaraznih bolesti.

Razmatrajući vašu inicijativu kao i sve naprijed navedeno, smatramo da izmijene odredbi propisa na koje se odnosi vaša inicijativa, u ovom momentu nisu opravdane i utemeljene obzirom da vršenje službenih kontrola nije propisano predmetnim *Pravilnikom o higijeni hrane životinjskog porijekla*.

S poštovanjem,



DIREKTOR

Sasa Bošković, dr.vet.med.

Dostaviti:

- Naslov
- Ministarstvo vanjske trgovine i ekonomskih odnosa BiH
- Ministarstvo poljoprivrede, vodoprivrede i šumarstva Federacije Bosne i Hercegovine -Sektor za veterinarstvo
- Veterinarska komora Federacije Bosne i Hercegovine
- a/a